

STATUT DHE AKT THEMELIMI
I SHOQERISE "SIRI CAR RENT" SH.P.K.

KAPITULLI I
DISPOZITA TE PERGJITHSHME

Sot në Tiranë, më datë 24.03.2023, në mbështetje të ligjit nr. 9901, datë 14.04.2008 “Për tregëtarët dhe shoqëritë tregtare” dhe Ligjt nr. 9723, datë 03.05.2007 “ Për Qendren Kombëtare të Rregjistrimit” që rregullojnë marrëdhëniet tregtare dhe funksionimin e shoqërive, personat e mëposhtëm:

- **Kreshnik Gjonaj** lindur më 07/11/1987 në Bajram Curri, Shqipëri, me zotësi të plotë juridike për të vepruar, identifikuar nëpërmjet kartes identitetit/leternjoftimit me Nr. 035289961 dhe Nr. Personal I71107044A.
- **Oltis Ramkaj**, lindur me 23/07/1987 ne Tirane, Shqipëri, me zotësi të plotë juridike për të vepruar, identifikuar nëpërmjet Pashaportës me Nr. BF3247338 dhe Nr. Personal I70723066L.

me cilësinë e ortakëve themelues, hartuan këtë statut të Shoqërisë tregtare **“SIRI CAR RENT” SH.P.K.**

KREU I
OBJEKTI, EMERTIMI, SELIA, REGJIMI JURIDIK, AFATET

Shoqëria **“SIRI CAR RENT” SH.P.K.**, nëpërmjet këtij Statuti, në përputhje me Aktin e Themelimit për krijimin e saj, bazuar në legjislacionin shqiptar në fuqi, rregullon gjendjen juridike të shoqërisë, marrëdhëniet e saj me të tretët, të dhënat me rendësi për pozitën juridike të ortakëve në raport me shoqërinë dhe të tretët, organet drejtuese dhe kompetencat e tyre, organizimin dhe objektin e veprimtarisë së shoqërisë, si dhe çështje të tjera me rendësi për mbarëvajten e Shoqërisë **“SIRI CAR RENT” SH.P.K.** Çdo çështje që nuk është shprehimisht e trajtuar në ketë Statut, do të interpretohet në përputhje me frymën e tij, nisur nga parimet e mirëbesimit, bashkëpunimit dhe interesit reciprok të ortakëve të shoqërisë.

NENI 1
OBJEKTI I SHOQERISE

- 1.1. Objekti i veprimtarisë së shoqërisë në përputhje me legjislacionin shqiptar do te jetë:

➤ Dhenia me qera e automjeteve te ndryshme. Shitje -- Blerje Automjetesh.

NENI 2
EMERTIMI DHE SELIA JURIDIKE E SHOQERISE

- 2.1. Emërtimi i Shoqërisë është **“SIRI CAR RENT” SH.P.K.**
- 2.2. Selia juridike e Shoqërisë ndodhet në adresën: Rruga Ali Demi me nr pasurie 1/904-N18, zona kadastrale 8180 Tiranë, Shqipëri.
- 2.3. Shoqëria mund te krijoje filiale, zyra përfaqësimi e agjenci në qytete të tjera të Shqipërisë ose jashtë vendit.
- 2.4. Adresa e ortakeve në marrëdhëniet me Shoqërinë do te jetë ajo qe rezulton e shënuar në librin e Shoqërisë.

NENI 3
REGJIMI JURIDIK

- 3.1. Forma juridike e shoqërisë është **shoqëri me përgjegjësi të kufizuar**. Veprimtaria e saj i nënshtrohet dispozitave të Aktit të Themelimit, Statutit, si dhe legjislacionit në fuqi. Ligji i aplikueshëm për zgjidhjen e çdo mosmarrëveshje eventuale qe lind gjate aktivitetit të shoqërisë është ligji shqiptar.
- 3.2. Kompetente për zgjidhjen e mosmarrëveshjeve të parashikuara në paragrafin e mësipërm është Gjykata e Rrethit Gjyqësor Tiranë.
- 3.3. Me vendim unanim, Ortaket mund të ndryshojnë regjinin juridik të Shoqërisë, në qoftë se në të ardhmen krijohen premisa më të favorshme për funksionimin e saj.
- 3.4. Shoqëria gjëzon personalitet juridik nga data e regjistrimit të saj në Qendrën Kombëtare të Biznesit.

NENI 4
KOHEZGJATJA

- 4.1. Kohëzgjatja e veprimtarisë së Shoqërisë “SIRI CAR RENT” SH.P.K. është e pakufizuar. Ortakët kanë të drejtë të kufizojnë ketë afat duke zbatuar procedurat për ndryshimin e Statutit.

KREU II
ORGANET DREJTUESE, MARRJA E VENDIMEVE, ADMINISTRIMI DHE KONTROLLI I SHOQERISE, EKSPERTET

NENI 5
ORGANET DREJTUESE

Organet drejtuese të Shoqërisë tregtare “SIRI CAR RENT” SH.P.K. janë:

- 1) **Asambleja e Përgjithshme**, i cili është organi me i lartë vendim marrës.
- 2) **Administratori** i Shoqërisë, që caktohet nga Asambleja e Përgjithshme.

NENI 6
MARRJA E VENDIMEVE

- 6.1. Asambleja, rregullisht e thirrur dhe e përberë prej ortakëve të shoqërisë, përfaqëson vullnetin e ortakëve. Vendimet e marra prej saj, për sa kohe që janë të vlefshme në përputhje me ligjin dhe me ketë statut, detyrojnë të gjithë anëtaret e asamblesë edhe pse jo të pranishëm dhe jo dakord.
- 6.2. Çdo ortak ka të drejtë të marrë pjesë në mbledhjet e asamblesë personalisht dhe disponon një numër votash të barabarta me pjesët e kapitalit themeltar qe ai zotëron. Çdo ortak ka të drejtë të përfaqësohet në Asamble nga persona të tretë duke u lëshuar atyre prokurë të posaçme për çdo mbledhje të asamblesë.
- 6.3. Vendimet, në mungesë të prezencës së ortakëve, mund të merren pas konsultimit me shkrim të tyre, në rast se të gjithë ortakët miratojnë me shkrim përbajtjen e konsultimit. Në këtë rast zbatohen procedurat e përcaktuara nga ligji tregtar.

- 6.4. Ortaket lajmërohen për zhvillimin e mbledhjes së Asamblesë me shkrese apo me mesazh elektronik, i cili duhet të përbaje vendin, datën, orën e mbledhjes dhe rendin e ditës jo më vonë se 7 dite përparrat datës së mbledhjes.
- 6.5. Mbledhja e asamblesë mund te thirret nga Administratori i shoqërisë, nga një ose disa prej ortakëve të shoqërisë që zotërojnë të paktën 5% të pjesëve të kapitalit themeltar.
- 6.6. Çdo mbledhje e asamblesë e thirrur në mënyre të parregullt, mund të anulohet. Anulimi nuk ka vlerë, në rast se të gjithë ortaket janë të pranishëm ose të përfaqësuar.

NENI 7

KOMPETENCAT E ASAMBLESE SE PERGJITHSHME

- 7.1 Asambleja e përgjithshme, përvèç të tjerave, është i vetmi organ që vendos për:
 - emërimin ose shkarkimin e administratoreve, eksperteve kontabël të autorizuar dhe likuiduesve;
 - përcaktimin e shpërblimeve për administratorin, ekspertin kontabël dhe likuiduesve;
 - përcaktimin e politikave tregtare të shoqërisë;
 - mbikëqyrjen e zbatimit të politikave tregtare nga administratoret, përfshire përgatitjen e pasqyrave financiare vjetore dhe të raporteve të ecurisë së veprimtarisë;
 - miratimin e raporteve të administritimit dhe të kontrollit;
 - miratimin e llogarive vjetore, disponimin e fitimit, etj;
 - ndryshimet e statutit;
 - zmadhimin apo zvogëlimin e kapitalit themeltar;
 - pjesëtimin e kuotave dhe anulimin e tyre;
 - përfaqësimin e shoqërisë në Gjykatë dhe në procedimet e tjera ndaj administratoreve;
 - riorganizimin dhe prishjen e shoqërisë;
 - miratimin e rregullave proceduralë të mbledhjeve të asamblesë;

- transferimin e pjesëve të kapitalit themeltar tek të tretët;
- zgjatjen e kohës së veprimtarisë së shoqërisë apo prishjen e saj dhe kalimin në proces likuidimi;
- shndërrimin e shoqërisë me përgjegjësi të kufizuar në forma të tjera;
- etj.

NENI 8
KUORUMI

- 8.1. Asambleja e Përgjithshme mund të marre vendime të vlefshme në qoftë se janë të pranishëm ose të përfaqësuar një ose disa ortake që zotërojnë mbi 30% të pjesëve të kapitalit themeltar. Në rastet kur Asambleja e Përgjithshme duhet të vendosë për çështje si : *Ndryshimin e Statutit, Zmadhimin ose Zvogëlimin e kapitalit të regjistruar, shpërndarjen e fitimeve, riorganizimin dhe prishjen e shoqërisë* ajo mund të marrë vendime të vlefshme vetëm nëse ortakët që zotërojnë më shumë se 50% të kapitalit janë të pranishëm.
- 8.2. Në qoftë se mbledhja e Asamblesë së Përgjithshme nuk realizohet për mungese kuorumi, thirret mbledhja e dyte brenda 30 ditëve me të njëjtin rend. Edhe në ketë rast vendimet të vlefshme merren vetëm nëse është formalizuar kuorumi i nevojshëm në varësi të çështjes, rend dite.
- 8.3. Ndryshimet e statutit, transferimi i pjesëve të kapitalit themeltar tek të tretët, zmadhimi apo zvogëlimi i kapitalit të regjistruar, shpërndarja e fitimeve riorganizimi apo prishja e shoqërisë dhe kalimi ne proces likuidimi, shndërrimi në një forme tjeter, vendosen në mbledhjen e asamblesë vetëm kur kuorumi i kërkuar përbehet nga të gjithë ortakët dhe vendos me $\frac{3}{4}$ e votave të ortakëve pjesëmarrës ose ortakët që zotërojnë më shumë se $\frac{1}{2}$ e votave sipas rastit.
- 8.4. Asambleja drejtohet nga një anëtar i zgjedhur nga ortakët e pranishëm. Të gjitha vendimet e Asamblesë transkriptohen dhe ruhen në regjistrat e shoqërisë. Në rastet e përcaktuara me ligj, vendimet e asamblesë duhet të regjistrohen në Qendrën Kombëtare të Biznesit.

NENI 9

ADMINISTRATORI

- 9.1.** Administratorë të shoqërisë “SIRI CAR RENT” SH.P.K. do të jenë bashkërisht **Z.Kreshnik Gjonaj** dhe **Z. Oltis Ramkaj**, të cilët kanë secili të drejtë të përfaqësojnë shoqërinë në mënyre të pavarur nga njeri-tjetri dhe me tagra dhe kompetenca të plota.
- 9.2.** Afati i këtij mandati fillon me regjistrimin e këtij Statuti në Qendrën Kombëtare të Biznesit dhe vazhdon **5 vjet** me të drejtë rizgjedhje.

NENI 10

KOMPETENCAT E ADMINISTRATORIT

- 10.1.** Administratorët drejtojnë gjithë veprimtarinë e Shoqërisë në pikëpamjen tekniko-organizative, kanë të gjitha kompetencat për të vendosur në lidhje me aktivitetin e zakonshëm dhe të përditshëm të shoqërisë. Administratoret, edhe veç e veç, gëzojnë të drejta të plota në vendim-marrje dhe gëzojnë kompetenca të plota, përveç atyre që ky statut apo ligji ia njohin Asamblesë së Përgjithshme.
- 10.2.** Të Drejta dhe Detyrimet e Administratorit të shoqërisë:
 - të kryejnë të gjitha veprimet e administrimit të veprimitarisë tregtare të shoqërisë, duke zbatuar politikat tregtare, të vendosura nga asambleja e përgjithshme;
 - përfaqësojnë shoqërinë tregtare; kujdesen për mbajtjen e saktë e të rregullt të dokumenteve dhe të librave kontabël të shoqërisë;
 - përgatisin dhe nënshkruajnë bilancin vjetor, bilancin e konsoliduar dhe raportin e ecurisë së veprimitarisë dhe, së bashku me propozimet për shpërndarjen e fitimeve, i paraqesin këto dokumente përpara asamblesë së përgjithshme për miratim;
 - krijojnë një sistem paralajmërimi në kohën e duhur për rr Ethanat, që kërcenojnë mbarëvajtjen e veprimitarisë dhe ekzistencën e shoqërisë;
 - kryejnë regjistrimet dhe dërgojnë të dhënat e detyrueshme të shoqërisë, siç parashikohet në ligjin për Qendrën Kombëtare të Regjistrimit;

- raportojnë përpara asamblesë së përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë tregtare;
- kryejnë detyra të tjera të përcaktuara në ligj dhe në statut.
- administratorët janë të detyruar të thërrasin asamblenë e përgjithshme per sa parashikon ky statut ose ligji.

NENI 11

EKSPERTET KONTABEL TE AUTORIZUAR

Në rast se Asambleja e Përgjithshme e gjykon të arsyeshme ose nëse kërkohet në mënyre të shprehur nga ligji, kontrolli i shoqërisë kryhet nga një ekspert kontabël i autorizuar. Shkarkimi i ekspertit kontabël të autorizuar vendoset në të njëjtat kushte si dhe emërimi.

KREU III

MJETET E SHOQERISE, KAPITALI THEMELTAR, KUOTAT

NENI 12

KAPITALI THEMELTAR

- 12.1. Kapitali themeltar i Shoqërisë "SIRI CAR RENT" SH.P.K., është 3,000,000 Leke.
- 12.2. Kapitali themeltar është i përberë nga 2 (dy) kuota me vlerë nominale si më poshtë:

Z. KRESHNIK GJONAJ - 1 KUOTE TE BARABARTE ME 1.500.000 LEKE

Z. OLTIS RAMKAJ - 1 KUOTE TE BARABARTE ME 1.500.000 LEKE

OSE SHPREHUR NE PERQINDJE:

Z. KRESHNIK GJONAJ - 50 %

Z. OLTIS RAMKAJ - 50%

NENI 13

KUOTAT E KAPITALIT

- 13.1.** Kuotat e kapitalit themeltar janë emërore dhe të transferueshme.
- 13.2.** Pjesët e kapitalit themeltar janë lirisht të transferueshme me rrugë trashëgimie, në rast ndarje pasurore mes bashkëshorteve dhe nëpërmjet paraardhësve dhe pasardhësve.
- 13.3.** Pjesët e kapitalit themeltar mund tu transferohen të tretëve vetëm me miratimin e shumicës së ortakëve që zotërojnë më shumë se 1/2 e pjesëve, në përputhje me nenin 17 të këtij statuti, duke respektuar të drejtën e parablerjes së ortakëve.

NENI 14

FONDET E SHOQERISE

- 14.1.** Shoqëria kryen veprimtarinë e saj me mjetet e investuara në fondet e saj dhe me mjetet të tjera. Ajo është e detyruar që vëllimin e punës së saj ta ushtrojë në vartësi me shumen e mjetave të investuara në fondin themeltar të Shoqërisë dhe nga shuma e mjetave të rezervës.

Shoqëria përcakton fondet e mëposhtme :

1. Fondin themeltar

2. Fondin Rezerve

- 14.2.** Për ushtrimin e veprimtarisë së saj Shoqëria mund të përcaktoje dhe fonde të tjera.

NENI 15

FONDI THEMELTAR

- 15.1.** Fondi themeltar formohet nga mjetet e investuara nga ortakët dhe nga mjetet e tjera në para ose në formë tjetër të investuara.
- 15.2.** Shoqëria shfrytëzon fondin themeltar për ushtrimin e veprimtarisë së saj, për investime ne fondet e personave të tjere juridike dhe fizike si dhe për të përballuar rrëziqet pas shfrytëzimit të mjetave të rezervës.
- 15.3.** Gjithashtu mund ti shfrytëzoje edhe për destinomë të tjera sipas interesit te shoqërisë.

NENI 16

FONDI REZERVE

- 16.1.** Fondi rezerve i shoqërisë formohet nga një pjesë e fitimit që shoqëria realizon gjatë veprimtarisë së saj. Ai përcaktohet me një vendim të veçante të Asamblesë së Ortakëve Themelues. Fondi rezerve mund të përdoret edhe për destinacione të tjera që janë në përputhje me interesat e shoqërisë.

NENI 17

MENYRAT E TRANSFERIMIT TE KUOTAVE

- 17.1** Transferimi (përfshirë shitje dhe ose dhurimin dhe ose cedimin dhe ose kalimin) inter vivos të kuotave të shoqërisë tek palë të treta i nënshtrohet të drejtës së parablerjes në favor të ortakëve të tjërë ekzistues, të cilët mund ta ushtrojnë këtë të drejtë sipas kushteve të parashikuara në nenin 17.2 më poshtë.
- 17.2** Në rast se një ortak (në vijim i quajtur Ofruesi) kërkon të transferoj disa ose të gjitha kuotat ose kontributet e zotëruara prej tij në shoqëri, ortakët e tjërë (në vijim të quajtur Ortakët e tjërë) gjëzojnë të drejtën e parablerjes mbi kuotat që ofrohen për transferim (në vijim të quajtura Kuotat e ofruara), sipas afateve dhe kushteve të mëposhtme:
- Ofruesi do tu dërgoj fillimisht ortakëve të tjërë ekzistues një njoftim me shkrim (postë rekomande) ku te përcaktohet numri i kuotave të ofruara, emrin e blerësit dhe kushtet e tjera kontraktuale të transferimit (në vijim referuar si oferta) duke ftuar së pari ortakët ekzistues të blejnë këto kuota të ofruara.
 - Ortakët e tjërë kanë të drejtë të blejnë kuotat e ofruara sipas kushteve të ofertës, në përpjesëtim me përqindjet e zotëruara duke i dërguar një njoftim me shkrim ofruesit brenda një afati 30 ditor pas marrjes së njoftimit të ofruesit me postë rekomande.
- 17.3** Parashikimet sa më sipër nuk zbatohen në rastin kur kuotat transferohen ndërmjet ortakëve ekzistues.
- 17.4** Asnjë nga ortakët nuk do të ketë të drejtën të transferojë ose të kaloj të drejtat dhe detyrimet e tij/të saj që rrjedhin nga ky statut, pa miratimin paraprak me shkrim të ortakëve të tjërë, miratim i cili nuk duhet të refuzohet pa arsyе.

KREU IV

VITI FINANCIAR, LLOGARITE VJETORE, NDARJA E FITIMEVE, DIVIDENTET

NENI 18

VITI FINANCIAR

- 18.1.** Çdo vit finansiar fillon më 1 Janar dhe përfundon më 31 Dhjetor.
- 18.2.** Llogaritë vjetore, inventari, raportet mbi operacionet e vtitit finansiar dhe raportet e veçanta të hartuara nga administratorët dhe eventualisht, nga ekonomisti i autorizuar, miratohen nga asambleja me shumicën e ortakëve që zoterojnë mbi 1/2 e kapitalit themeltar.
- 18.3.** Miratimi i dokumenteve mbi veprimtarinë vjetore bëhet brenda një afati të caktuar prej 3 muajsh nga data e mbylljes së vtitit finansiar.

NENI 19

LLOGARITE FINANCIARE

- 19.1.** Në fund të çdo viti kalendarik duhet të hartohet një bilanc si dhe një llogaritje të fitimeve dhe humbjeve.
- 19.2.** Forma e bilanceve dhe librave të llogarisë që do të mbajë shoqëria, përcaktohen nga Asambleja e Përgjithshme.

NENI 20

DIVIDENTET

- 20.1.** Pas miratimit të llogarive vjetore dhe evidentimit të ekzistencës së fitimeve, Asambleja e Përgjithshme përcakton pjesën qe u takon ortakëve në formën e dividendëve. Fitimi, që do të ndahet midis ortakëve, në proporcion me pjesët e kapitalit themeltar, përbehet nga fitimi i vtitit finansiar dhe nga ana tjetër i janë

zbritur ose shtuar respektivisht humbjet apo fitimet e mbartura nga vitet e mëparshme.

KREU V

KUFIZIMI I AFATIT, PRISHJA DHE LIKUIDIMI I SHOQERISE

NENI 21

NDRYSHIME TE AFATIT

21.1. Kufizimi apo zgjatja e afatit të aktivitetit të shoqërisë mund të vendoset nga Asambleja e Ortakëve me shumicën e ortakëve që zoterojnë mbi 1/2 e kapitalit themeltar.

NENI 22

PRISHJA E SHOQERISE

22.1. Shoqëria prishet në përputhje me kushtet e përcaktuara në ketë statut, me vendim të Asamblesë së Ortakëve me kërkesën e 1/2 të pjesëmarrjes në kapitalin themeltar.

22.2. Shkaqet e prishjes së Shoqërisë;

- a. kur mbaron kohëzgjatje e parashikuar në themelimin e saj
- b. me vendim të Asamblesë së Përgjithshme
- c. me hapjen e procedurave të falimentimit.
- d. nëse nuk ka kryer veprimtari tregtare për 2 vjet dhe nuk është njoftuar pezullimi i veprimtarisë në Q.K.B
- e. me Vendim Gjykate

Shoqëria nuk prishet kur njëri nga ortaket falimenton, bëhet i paaftë ose vdes.

NENI 23

LIKUIDIMI I SHOQERISE

- 23.1. Shoqëria hyn në procesin e likuidimit që në momentin e prishjes së saj. Për kryerjen e këtij procesi Asambleja emëron një ose disa likuidues te cilët i paraqesin asaj raportin mbi gjendjen e aktivit dhe të pasivit të shoqërisë, mbi ndjekjen e operacioneve të likuidimit dhe mbi afatin e domosdoshëm të përfundimit te tyre.
- 23.2. Në fund të procesit të likuidimit Asambleja vendos, me shumicën e ortakeve qe zotërojnë mbi 3/4 e kapitalit themeltar, mbi bilancin përfundimtar financiar, mbi aktin e rregullshmërisë të punës së likuiduesit dhe mbylljen e procesit te likuidimit.
- 23.3. Pas pagimit të kreditoreve dhe shlyerjes së pjesëve të kapitalit themeltar tek kontribuesit përkatës, likuiduesi ndan kapitalet e mbeturë ndërmjet ortakeve proporcionalisht me pjesët që ata zotërojnë në kapitalin themeltar dhe njofton Q.K.B për përfundimin e likuidimit dhe kërkon çregjistrimin e Shoqërisë.

KREU VI

DISPOZITA TE FUNDIT

NENI 24

SHNDERRIMI I SHOQERISE

- 24.1. Shndërrimi i shoqërisë me përgjegjësi te kufizuar në shoqëri anonime mund të kryhet me miratim unanim të ortakeve, ndërsa shndërrimi në shoqëri aksionarë, me miratimin e shumicës së ortakëve që zotërojnë mbi 1/2 e kapitalit themeltar.
- 24.2. Marrëdhëniet e brendshme ndërmjet punëtoreve dhe shoqërisë midis tyre dhe organeve te shoqërisë do të rregullohen me anën e një rregulloreje.

NENI 25

INTERPRETIMET STATUTORE

- 25.1. Pavlefshmëria e dispozitave të veçanta të kësaj marrëveshje nuk e prek tërësinë e saj vepruese. Në vend të dispozitave të pavlefshme ose për mbushjen e hapësirave statusorë, ortaket bien dakord për një rregullim të përshtatshëm, në përputhje me qëllimin e hartimit të këtij statuti, duke ruajtur interesat e përbashkëta.

- 25.2. Për gjithshka jo të parashikuar në ketë statut do të respektohen normat ligjore të legjislacionit shqiptar në fuqi.
- 25.3. Gjykate kompetente për zgjidhjen e të gjitha mosmarrëveshjeve që mund të lindin gjate ekzistencës së shoqërisë, ose gjatë periudhës së likuidimit ndërmjet ortakeve, ndërmjet shoqërisë dhe ortakeve, apo ndërmjet shoqërisë dhe të tretave, do të jetë **Gjykata e Rrethit Gjyqësor Tiranë**.
- 25.4 Ky Statut hartohet në 3 ekzemplare origjinale, hyn në fuqi ditën e nënshkrimit nga Ortaket e Shoqërisë “SIRI CAR RENT” SH.P.K.

NENI 26

DISPOZITAT E FUNDIT

- 26.1 Për te gjitha çështjet që nuk gjejnë rregullim në ketë Statut, aplikohen dispozitat e ligjit nr. 9901 dt. 14.04.2008 “Për tregtaret dhe shoqëritë tregtare”.
- 26.2 Për efekt të interpretimit të këtij Statuti me ligj tregtar nënkuftohet ligji nr. 9901 dt. 14.04.2008 “Për tregtaret dhe shoqëritë tregtare”
- 27.3 Pavlefshmëritë eventuale e dispozitave të veçanta te Statutit nuk mund të cenojnë vlefshmërinë në tërsi të tij.

ORTAKET THEMELUES TE SHOQERISE “SIRI CAR RENT” SH.P.K.

ORTAK 1

Z. KRESHNIK GJONAJ

Kreshnik Gjonaj


ORTAK 2

Z. OLTIS RAMKAJ

Oltis Ramkaj


